

清源鄉志卷之十一

古蹟 附碑碣塚墓

勝地名區往往以有道託跡流傳千古地以人重諒哉清源雖襟山帶河而地居偏僻勝蹟無多然所表著者皆在唐宋以前亦云古矣若夫登會稽者讀岫嶼之碑陟箕山者訪掛瓢之墓流連嚮往慨然如見其人焉志古蹟附碑碣塚墓

陶唐城在城東南三十里舊傳陶唐氏自豕鹿徙居

清源鄉志

卷十一

六

此或云陶唐造厯之所今名堯城鎮

梗陽城在城南一百二十步周圍六里卽今南關左

傳中行穆子見梗陽之巫臬又魏獻子以魏戊爲

梗陽大夫綱目秦攻趙拔梗陽隋開皇十六年於

古梗陽城置清源縣

涂陽城在城西南一十里晉祁氏邑魏獻子以智徐

吾爲涂水大夫卽今屠賈村一名屠谷

鷺城在城東南二十里晉書永嘉元年洛陽地陷有

二鷺蒼者飛去白者止此劉曜以爲己瑞築城應

之

印駒城在城西南二十里漢文帝於交城置牧地築此城以印駒因名

楊素營在城東南三十里相傳隋楊素擊漢王諒駐兵於此今名楊房營

武灌戰場在城東南二十里武灌一作武觀水經注武灌在洞渦南近水地相傳晉劉琨使張喬拒劉曜於此今喬武村當卽其地

淨修閣在高白鎮明成化二年李氏女建女名善果清源鄉志

卷十一

九

茹素習禪日居樓上以處子終鄉人題淨修額贈之

孝感樓在高白鎮淨修閣東南相傳李氏女以淨修感動父兄村人皆稱其孝因築樓以孝感名

韓仙洞在東于村西水泉溝西崖下又名朝陽洞祀呂祖相傳有韓姓修鍊坐化於此遇旱禱雨輒靈馬跑泉在白石馬名山巔泉水冬夏不竭甘冽異常俗傳五代漢高祖過此渴無水有神馬跑山上泉隨湧出故名

唐槐在城內西北隅尼庵中虬枝老幹橫可六七圍
狐突碑在馬峪狐神廟碑石光亮如鏡可鑑毫髮俗
名透靈碑城內永清寺有碑亦如之

狐突墓在馬鞍山下宋宣和五年封利應侯鄉人建
廟以祀坐下有泉遇旱禱雨輒應今墓址不存

屠岸賈墓在城西南二十里今名賈兆

蠻王墓在城南十里許後魏正平元年蠻王來朝道
卒葬於此名青堆卽入景中青堆煙草也

王府尹墓在平泉大學士商輅撰墓誌

清源鄉志

卷十一

二十

羅御史墓在城西南里許

王參政墓在城西南里許